

**Nwa' wvu bokaŋ bofεε wvù Baul to  
saŋεε ê kentaashε ke  
Tesalonika  
Fiεε fi nu ê Nwa' wvu Tesalonika  
wvu bokaŋ bofεε wvun e**

No Baul to cim saŋεε ŋwa' wvu fwe fô bonyii bo mbee le bo Tesalonika le εkumε le bó ecεyte yî nyεkeey e, kefew kè Jisos nu ke ekase eto le, ε bvufee mεy ke no bvuuŋke bó yî saaka wvudvu le. E Baul mum saŋ ŋwa' wvu bokaŋ bofεε wvun keejeme εkumε no bonyii to kpwaake wase le diuu di nto Tata le didvu nu ε jo wase bvudvuu. Wvú to nu ε nele ŋkpawcε wvun duŋcε le é nto Klistu se jo bvudvuu nu ε kebefε bô mwεem mvu buwyεen nu ke eduu efesen lo.

*Bikuu bi mwεem e ê ŋwa' wvun*

1:1-2 Keŋkεwce

1:3-12 E Baul bense bvuu tom kentaashε ke bonyii bo mbee le

2:1-17 Ntefe εkumε nto Klistu

3:1-15 Ntefe εkumε nce wvu bonyii bò è nu bo Klistu le

3:16-18 Kemεse

<sup>1</sup> E nu me wvù Baul, ε me nu bee Silas noo Timatio. Me nsaanke ŋwa' wvun fô kentaashε ke bonyii bo mbee le ke Tesalonika le kè nu ε taashε ε no nu yî Nyo' Icee wesebeene bô Tata Jisos Klistu le.

<sup>2</sup> Nyo' Icee wesebeene bô Tata Jisos Klistu ebuw ben bô kembonen ebvuu enya ben bô nyekēey.

*Ngew bô mmawcε wvù nu ke enu kefew kè Klistu nu ke ekase eto le*

<sup>3</sup> Boom bo bwee wese le, bese keηke keenyaa keyoone ê Nyo' sekecii ekumε ben. ε fī nu leη nonen, njefo mbee wene kuu ke gene lo fwe fwe, ε keηkoηen kè wee mwaanη mwaanη keηke fô wee noo wee le gene ke lo ten fwe fwe. <sup>4</sup> Nonen, bese kebεε ké no saale ye bô ben ê bintaashε bi bonyii bo mbee le bi Nyo' le bimew e. Bese ké no saale ekumε no ben leeme temyi bô ekumε no bonyii bone bikaa ê ben ejim ε ben jici ke mbee wene le, noo ekumε bongew bô ben yene kuule ke shém e. <sup>5</sup> Fifi nu fiεε fī dūnci le Nyo' nu ke esaw bonyii ê je yi teyey e, wvu le ben ke enu ε ben ε kocen bonyii bo bvunfon bvū Nyo' le bvù ben yene bongew ban nje bvú le. <sup>6</sup> No Nyo' nu wee wvu teyey, wvú nu ke etfuse naa ηgew wvù bonyii nyaa ê ben bô ηgew, <sup>7</sup> enya nleeten ê ben bô yene ηgew noo ê bese ten. Fifi nu ke ekooy seke Tata Jisos nu ke ebuynen fowe etoo ê leme di ηguy e di saasaa le. Wvú nu ke etoo nonen bô bonceendaa bew bô temyi. <sup>8</sup> Wvú nu ke etfuse envukε ê bonyii bô maa lo Nyo' noo bô baa bee saaka wvù jee wvu ekumε Tata Jisos e ke. <sup>9</sup> Bó nu ke elase bó é bó ekeηke ηgew wvù mey lo, é bó egawsen bó bô bo Tata fo bó eto fwe dvu wvú noo fô bvukukε bwew bvū baay e. <sup>10</sup> Fifi nu ke ekooy εbvubwε bvù wvú nu ke eto wvu le bonyii bô è nu

**1:3** 2:13; 1Tes 1:2-3    **1:4** 1Tes 2:19-20; 3:3, 7    **1:5** Fili 1:28

**1:6** Lum 12:19; Mwm 18:6    **1:7** Mat 25:31; 1Tes 5:1-2    **1:8**

Yesa 66:15; Lum 2:8; 1Bi 4:17

bew etumte monkum mew, é bonyii bocii bò nu ε lese fitele yî ye le ekeηke lo ηghaw bô wvú. Ε ben tɛn nu ke enu bó le njefo ben to nu ε bee saaka we wvù bese to jemyεε ê ben e. <sup>11</sup> Ε nεε fiεε fi bese bunlee κε fô ben e sekecii le Nyo' wese ege é ben enù ε ben ε kocɛn kfuu bonyii bò wvú teηe le ben enù le. Bese bunlee tɛn le wvú efi ben yî mvunγay mwew e, é ben ege fiεε fi jee ficii fi ben shieele noo lemme dicii di ben gee nje fitele fi ben nu ε lese yî Klistu le. <sup>12</sup> Bese bunlee tɛn nonɛn wvu le diee di Tata wesebeene wvù Jisos e, ekeηkè mbense ê ben ɛntelɛη, ε ben tɛn keηke mbense yî ye le. Fifi nu nje fitele fi jee fi Nyo' wesebeene bô Tata Jisos Klistu keηke fô ben e.

## 2

### *Ekume wee we wvù ηgoyte nci Nyo'*

<sup>1</sup> Boom bo bwee wese le, fi ekume nto Tata wesebeene wvù Jisos Klistu bô no beene nu ke etaashe keegen enu beene ε bó, nu ε me nleke le, <sup>2</sup> fo ben ke enε é bvufee emum ebvun κε lo ben nen nεw, \* keηεε enε emum etuwtene le ben nu ε yuw njeme mvu le wvú nen'yi fô Keyoy ke Yuule le, keηεε le bese nu ε jeme, keηεε le bese nu ε san ηwa' le diuu di nto Tata le nu ε to wase κε. <sup>3</sup> Fo ben ecine é wee ke elεε ben ε è cim nu naa ê je yî nεε le κε. Ben ekeè le κε diuu di nto Tata le didvu nu ke ekocɛn se kefew kiε kè bonyii nu ke enε ebewci bô bo Nyo' ε yaw wase ε to, noo se wee we wvù ηgoyte nci Nyo' ε buynɛn tɛn κε. Ε è nu wvú wvù bó nu ke

---

**1:11** 1Tes 1:2-3; 5:24    **2:1** 1Tes 4:15-17; 5:1-2    **2:2** 2:15    \* **2:2** Keηεε le, "... esεε é bvufee ebvun ben,"    **2:3** 1Tim 4:1; 1Jon 2:18

elɛse lo. <sup>4</sup> Ɛ nu wvù wvù nu ke ebense ɛkolɛ kew emum ekicine lo fiɛɛ ficii fi bó teje ɛ nyo' kenɛɛ fi bó bunlee fí. Nonɛn, emum egeɛn eley eshii yew ncese Nyo' le emum eteje ɛkolɛ kew ɛ è nu wen Nyo'. <sup>5</sup> Ke ben kumyi ɛ seke me nto nu beene, nu ɛ me nto nsee fiɛɛ fin ê ben?

<sup>6</sup> Ben kee wase keseen fiɛɛ fi jici wvù le wvu ɛ wvù ke ebuynɛn ke wase ɛ è nu ê kefew kè bó nu ɛ ngeɛ ê wvù le. <sup>7</sup> Ben ekeè ɛ mvunɔay mwew mvù wvù nci Nyo' dvù lemte wase keseen ejim ejim, ɛ è nu ke ɛ wee wvù baanɔke mvù nu ke ebaanɔke ke nonɛn egeɛn ebuy seke bó ke ecake wvù ê je. <sup>8</sup> Bó nu ke dioo ɛ cake, é wee wvù nci Nyo' wɛ emum ebuynɛn, é Tata Jisos emum efefe lo wvù bô keyoy ke ê wvù emvu, efɛwɛ lo bô nlawken wvù wvù nu ke etoo dvù. <sup>9</sup> Wee wvudvu wvù nci nu ke etoo ê mvunɔay mvu Satan e, kenɔke mvunɔay mvunciim, gee mwɛɛm mvù dunɔci mvunɔay mwew bô mwɛɛm mvu diuw wvù yumɛɛn e mvù è nu mvu kenlɛɛma le mvunciim. <sup>10</sup> Ɛ wvù nu ke etoo ten bô kfuu mwɛɛm mvù befe mvunciim keelɛɛle bonyii bò laa wase dvù. Ɛ bó laa njefo bó nu ɛ fan keekoɔke keceɛy wvu ɛ bó ke eboy. <sup>11</sup> No bó baa koɔke keceɛy nonɛn, Nyo' ɛ mum ɛ ge bó ɛ no looci jeɛnke lo wvu ɛ bó ebeje ke wase ɛ è nu fiɛɛ fi nu fi mbiay e. <sup>12</sup> Ɛ Nyo' to ge nonɛn wvu ɛ wen ke elese bó bocii yí ngew e bò baa bee keceɛy e, yuuke njon keege mwɛɛm ɛ è nu ke mvù yaa nu ke teyey e.

### *Nyo' to caw ben keeboyse ben*

**2:4** Ɛsek 28:2; Dan 11:36; Mwm 13:5-6

19:15

**2:9** Mat 24:24; Mwm 13:11-13

**2:8** Yɛsa 11:4; Mwm

**2:11** 2Tim 4:4

**2:12**

1:6-8

13 Geen en boom bo bwee wese le bò Tata koonke naa ntay, bese kenke ke keenyaa keyoone ê Nyo' sekecii ekumε ben, njefo Nyo' to nu ε caw wase ben fonkεw keeke eboyse ben fele yî lemme di Keyoy ke Yuule gee le ben eyuule le, bô yî mbee wvù ben nu ε bee keceey e. 14 Wvù to teje ben yî fifin e fele yî saaka wvù jee wvù bese to fewci le, wvu le ben ke ekenke fô bvukuke bvu Tata wesebeene wvù Jisos Klistu le. 15 Non en boom bo bwee wese le, ben eleemè temyi, jicì nce wvù bese to nyaε ê ben e, kenεε è nu wvù bese to γεγεεε lo ben dvù bô diuw, kenεε è nu wvù bese to sanεε lo ê ben. 16 Bese leke le Tata wesebeene wvù Jisos Klistu kebεε noo Nyo' Icee wesebeene wvù to konεε beene no leεse shém yesebeene sekecii σε ηka, ebvuu enya beene bô fiεε fi jee fi beene taale fwe yî dvù le nje fitele fiew fi jee. 17 Wvù eyvuwsε mvuntelem mvunen, ege é mvù etemyi yî lemme di jee le dicii di ben gee bô yî fiεε ficii fi ben jemyi le.

### 3

*ε Baul leke le bonyii bo mbee le ebunleè fô bowen e*

1 Keemεεse, boom bo bwee wese le, ben ebunleè ten fô bese le. Ben ebunleè le diεw Tata elewtè gene lo fwe ε bonyii wvumte diεw yidvu ke no ben to γεε. 2 Ben ebunleè ten le bese ke eboy can bonyii bò kenke mvuntelem mvù befε gee mwεεm mvù befε le, njefo ke è nu bonyii bocii bò kenke mbee ke. 3 Geen en Tata ké no leeme ke yî diεw ye le. Wvù

nu ke enya ben bô mvunḡgay, ebvuu egemgeme ben fo ben ke eley can wee kebefε le. <sup>4</sup> Bese nu ε γεε bvufee bvuseεe yî Tata le εκυμε ben λε ben gee wase fiεε fi bese gayte, ε ben nu ke emεy κε egee. <sup>5</sup> Bese λεke λε Tata eleke mvuntelem mvunen é mvú enu yî κεηκοηεν κè ke Nyo' le ebvuu ege é ben ekuulè shém no Klistu to kule.

*Wee κεηke keelemte σε diee*

<sup>6</sup> Boom bo bwee wese le, bese gayte lo ê ben ê diee di Tata wesebeene wvù Jisos Klistu le λε, ben enjemkesè ye ben ε boom bo bwee wesebeene le bò laame κε lo yaa cee κε bii nce wvù bese to dunḡεε ê ben e κε. <sup>7</sup> Me njemyi nen, njefo ben keβεε kee no ben κεηke keebenene bese. Κε bese to ké no laame seke bese to nu beene κε. <sup>8</sup> Κε bese to diee fiεε fi wee le σε bese ε law κε. Bese to lemte jimtene ενταη bô εmvunsheen wvu λε fo bese ke egεε bvujite yî wee mvu ben e κε. <sup>9</sup> Κε bese to gee nonen λε κε è nu bvudvuu bvuseεe keebiite mwεem ê ben κε. Ε to nu wvu λε bese edunḡi yî gee disεε le wvu λε ben ebenenè bese. <sup>10</sup> Ben ekeè λε naa seke bese to nu beene nu ε bese to nya nci wvun ê ben λε, “Ε wee nu λε κε wen nu elemtè, fo bó enya wvú bô fiεε fidien κε.” <sup>11</sup> Me njemyi nen njefo bese yuuke λε ben bomew shee laame κε lo yaa lemte κε, λεne κε lo leese dew fô mwεem mvu bonyii bomew e. <sup>12</sup> Boba bonyii nu ε bese gayte bvuu ciise lo ê bó ê diee di Tata Jisos Klistu le λε bó eshii fokuse elemtè keekeηke fiεε fi bó edieè. <sup>13</sup> Fô ben e, boom bo bwee wese le, fo ben ke ewεle keegee gee di jee κε.

---

**3:4** 1Kol 4:16; Gal 5:10    **3:6** 3:12; 1Tes 5:14    **3:8** 1Tes 2:9    **3:9**  
 Lem 18:3; 1Tes 1:6; 1Kol 9:4    **3:10** 1Tes 4:11    **3:11** 1Tim 5:13  
**3:12** Efε 4:28    **3:13** Gal 6:9

14 Ε wee tun keeyuw fiεε fi bese jemyi ê ηwa' wvun e, é ben ciise wvú. Fo ben ebvuu ekeηke lo fiεε keege bô wvuweε wee κε, wvuλε wvú ewuumεη. 15 Geenεη, fo ben ejòð wvú diεwεε wee bvuban e κε. Ben etefe lo wvú diεwεε waa bwee wene le.

*Ngayma wvu fokemεse*

16 Tata wvù nu wvu nyεkeey enyaà ben bô nyεkeey sekecii ê jé le yicii. Tata enù ben ε bó bocii.

17 Me wvù Baul nsaanke ηgayma wvun bô kebo kem. Fin nu nciise wεm wvù me ηgee ê boηwa' bem e bocii. Ε è nu no me ηké no nsaanke. 18 Tata wesebeene wvù Jisos Klistu ebuw ben bocii bô kembonεη kew é kí enù ben ε bó.

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---



PDF generated using Haiola and XeLaTeX on 21 Feb 2024 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e